

Technology Integration

PANGALAN	Belmonte, Aira Mae C.	
PAMAGAT	Banghay Aralin sa Edukasyon sa Pagpapakatao Baitang 7 Ikatlong Markahan	
MGA KASANAYANG PAMPAGKATUTO	6.4. Nakabubuo ng mga hakbang upang mapaunlad ang mga pasya at kilos na ginagawa araw-araw	
MGA LAYUNIN	<p>Sa modyul na ito, inaasahang maipamamalas mo ang mga sumusunod na kaalaman, kakayahan at pag-unawa:</p> <p>PANGKABATIRAN:</p> <ul style="list-style-type: none">• Natutukoy na ang Likas na Batas Moral ay natatangi sa tao dahil ang pagtungo sa kabutihan ay may kamalayan at kalayaan.• Nahihinuha na nalalaman agad ng tao ang mabuti at masama sa kongkretong situwasyon batay sa sinasabi ng konsensiya. <p>PANGDAMDAMIN:</p> <ul style="list-style-type: none">• Nailalapat ang wastong paraan upang baguhin ang mga pasya at kilos na taliwas sa unang prinsipyo ng Likas na Batas Moral <p>SAYKOMOTOR:</p> <ul style="list-style-type: none">• Nakabubuo ng mga hakbang upang mapaunlad ang mga pasya at kilos na ginagawa araw-araw	
PAKSA	Modyul 6: ANG KAUGNAYAN NG KONSENSIYA SA LIKAS NA BATAS MORAL	
PAGPAPAHALAGA	Konsensiya	

MGA SANGGUNIAN	ESP Quarter 1 to 2 Link: https://drive.google.com/file/d/OB7gKJsXjn7rZ21VWFNJUDD1V3M/view	
MGA KAGAMITAN	Laptop Technology Application/Apps Projector	
GAWAIN	<p>PANUTO: Gumawa ng isang maikling kwento kung paano nagsimula at nahubog ang iyong pananaw sa konsensiya.</p> <div data-bbox="553 632 1019 936" data-label="Image"> </div> <div data-bbox="472 968 1110 1121" data-label="Text"> <p>Noong ikaw ay bata pa, ang pagpapasiya ay ginagawa ng iyong mga magulang para sa iyo. Sa pagdagdag ng iyong edad at kamalayan, ikaw na ang gumagawa ng pagpapasiyang ito para sa iyong sarili. Sa bahaging ito, subukin mong gumawa ng sariling pagpapasya.</p> </div>	Storybird
PAGSUSURI	<ol style="list-style-type: none"> 1. Saan nagmula ang pananaw mo ukol sa konsensiya? 2. Batay sa naging karanasan, ano ang natuklasan mo tungkol sa konsensiya? 3. Paano ka nagabayan ng konsensiya sa mga pasya at kilos mo? <p>Mabisa bang gabay ang konsensiyang taglay mo? Patunayan.</p>	Voki
PAGPAPALALIM	<p style="text-align: center;">ANG KAUGNAYAN NG KONSENSIYA SA LIKAS NA BATAS MORAL</p> <p>Naaalala mo pa ba noong ikaw ay bata pa? Ano ang sinasabi ng iyong ama at ina, o ng iyong lolo at lola sa tuwing gumagawa ka ng mabuti o ng masama? Ayon sa kanila, may dalawang katauhan sa iyong tabi, isa sa iyong kanan at isa sa kaliwa. Pareho silang nagsisikap na impluwensyahan ka na pumili sa mabuti o masama na dapat mong gawin sa isang sitwasyon. Ayon sa kanila, kapag pinili mo ang mabuti, sinusunod mo ang katauhan na nasa iyong kanan. Kapag pinili mo ang masama, sinusunod mo ang katauhan na nasa</p>	Powtoon: Slideshow/Video

iyong kaliwa.

Ano nga ba ang konsensya? Ang tao ay biniyayaan ng kakayahang na kumilala ng mabuti o masama.

Ang salitang konsensiya ay mula sa salitang Latin na cum ibig sabihin ay "with" o mayroon at scientia, na ibig sabihin ay "knowledge" o kaalaman. Samakatuwid, ang konsensiya ay nangangahulugang "with knowledge" o mayroong kaalaman. Ipinahihiwatig nito ang kaugnayan ng kaalaman sa isang bagay; sapagkat naipakikita ang paglalapat ng kaalaman sa pamamagitan ng kilos na ginawa.

Ang paglalapat ng kaalaman ay maaaring magawa sa pamamagitan ng mga sumusunod na paraan, ayon kay Santo Tomas de Aquino:

a. Sa tulong ng konsensiya, nakikilala ng tao na may bagay siyang ginawa o hindi ginawa.

b. Sa pamamagitan ng konsensiya, nahuhusgahan ng tao kung may bagay na dapat sana'y isinagawa subalit hindi niya ginawa o hindi niya dapat isinagawa subalit ginawa.

c. Gamit ang konsensiya, nahuhusgahan kung ang bagay na ginawa ay nagawa nang maayos at tama o nagawa nang di-maayos o mali.

Ipinakikita dito na ang konsensiya ay nakakabit sa isip ng tao

Ang konsensiya ang batayan ng isip sa paghuhusga ng tama o mali.

Paano nga ba nalalaman ng konsensiya ang tama at mali? Ibinabatay ng konsensiya ang pagsukat o paghuhusga sa kilos sa obhetibong pamantayan ng Likas na Batas Moral.

Ang Likas na Batas Moral ay ibinigay sa tao noong siya ay likhain.

Sa pamamagitan ng batas na ito, ang tao ay may kakayahang makilala ang mabuti at masama.

Nakaukit ito sa pagkatao ng isang indibiduwal kaya't ang unang prinsipyo nito ay: Likas sa tao na dapat gawin ang mabuti at iwasan ang masama.

Layon ng batas-moral na pagkalooban ang tao ng kinakailangang batayan upang makagawa siya ng tamang pasya at kilos. Higit sa lahat, layunin ng batas na ito ang kabutihan ng tao.

Narito ang mga Katangian ng Likas na Batas Moral:

a. Obhetibo – Ang batas na namamahala sa tao ay nakabatay sa katotohanan.

b. Pangkalahatan (Unibersal) – Dahil ang Likas na Batas Moral ay para sa tao, sinasaklaw nito ang lahat ng tao.

c. Walang Hanggan (Eternal) – Ito ay umiiral at mananatiling iiral.

d. Di-nagbabago (Immutable) – Hindi nagbabago ang Likas na Batas Moral dahil hindi nagbabago ang pagkatao ng tao (nature of man).

Ayon kay Lipio, binibigyang direksiyon ng batas-moral ang pamumuhay ng tao.

Kailangan lagi ang isang paghatol sa pagsasagawa ng isang pamantayan o pagtupad sa batas moral at dito kailangan ang konsensiya. Subali't, kung ang paghatol ay hindi naaayon sa Likas na Batas Moral, ang konsensiya ay maaari pa ring magkamali. Maaaring magkaroon ng kalituhan kung anong panuntunan ng kilos ang gagamitin. Maaari ring magkamali sa paraan ng paggamit ng panuntunang ito. Dahil dito, ang konsensiya ay maaaring uriin bilang tama at mali ayon sa Likas na Batas Moral (Esteban, 1990).

Uri ng Konsensiya

1. Tama. Ang paghusga ng konsensiya ay tama kung lahat ng kaisipan at dahilan na kakailanganin sa paglapat ng obhektibong pamantayan ay naisakatuparan nang walang pagkakamali.

2. Mali. Ang paghusga ng konsensiya ay nagkakamali kapag ito ay nakabatay sa mga maling prinsipyo o nailapat ang tamang prinsipyo sa maling paraan.

Itinuturing ang konsensiya bilang batas moral na itinanim ng Diyos sa isip at puso ng tao. Sa pamamagitan ng konsensiya nakagagawa ang tao ng mga pagpapasiya at nasusunod ang batas-moral sa kaniyang buhay.

Ang konsensiya ay likas sa tao upang maghusga sa mabuti o masama na maaaring gawin.

May pagkakataon na inaakala ng tao na ang maliit na bagay ay hindi nagkakaroon ng malaking epekto sa kanyang pagkatao.

Karaniwang sinasabi ang mga katagang: maliit na bagay lang

naman, ngayon lang o minsan lang upang pangatwiranan ang maling ginawa. Kung patuloy na babalewalain ng tao ang kaniyang konsensya, darating ang pagkakataon na ito ay magiging manhid sa pagkilala ng tama.

PAGLALAPAT

Panuto: Sa mga ginawa mong pasiya sa nakaraan, alin sa mga ito ang nais mong baguhin at paunlarin upang sundin ang tamang paghuhusga ng konsensiya. Pumili ng pauunlarin mula sa mga sumusunod na kategorya: •

- Pagtupad sa gawaing-bahay •
- Pakikipag-ugnayan sa kapatid •
- Uri o paraan ng pakikipagkaibigan •
- Pakikipag-ugnayan sa magulang •
- Paggawa ng gawain sa paaralan

Gawin ang “Kontrata ng mga Pasya at Kilos na Pauunlarin Ko”. Gawing gabay ang unang halimbawa kung paano ito gagawin.

Flashcard Machine

Kung	Ang pasya o kilos na kailangang baguhin
Damdamin ko	Damdamin ko sa pasya o kilos
Kaya	Ang dapat kong gawin tungo sa kabutihan

Halimbawa:

	Linggo	Lunes	Martes	Miyerkules	Huwebes	Biyernes	Sabado
Kung	Naglalaro ako ng computer games tuwing bago gawin ang homework ko.						
Damdamin ko	Nalulungkot ako dahil naging pabaya ako. Nagsisisi ako dahil wala akong maisumite na homework kinabukasan.						
Kaya	Uunahin ko ang paggawa ng homework bago maglibang tulad ng paglalaro ng computer games.						

Ipinapangako kong tuparin ang mga tinukoy kong pagbabago sa loob ng isang linggo.

_____ Lagda ng Mag-aaral (Tagatupad ng Kontrata)

_____ Lagda ng Kapatid o Kaklase na Sumubaybay sa Tagatupad

_____ Lagda ng Magulang

PAGSUSULIT

PAGPAPALIWANAG

Panuto: Ipaliwanag ang iyong mga kasagutan sa sumusunod na mga katanungan.

1. Bakit natatangi sa tao ang Likas na Batas Moral?

Socrative

Ipaliwanag.

2. May tao bang walang konsensya? Ipaliwanag ang ibig sabihin nito?

SAGOT:

1. Natatangi ang Likas na Batas Moral sa tao sapagkat ito ay ibinigay noong tayo ay likhain. Gaya nga ng nasab, nakaukit ito sa pagkatao ng isang indibiduwal kaya't ang unang prinsipyo nito ay: Likas sa tao na dapat gawin ang mabuti at iwasan ang masama. Layon ng batas-moral na pagkalooban ang tao ng kinakailangang batayan upang makagawa siya ng tamang pasya at kilos. Higit sa lahat, layunin ng batas na ito ang kabutihan ng tao.

2. Wala. Lahat ng tao ay may konsensya. Ang tao ay biniyayaan ng kakayahan na kumilala ng mabuti o masama.

PAGPIPIILIAN

1. Lumaki si John Llyod sa isang pamilyang relihiyoso. Habang siya ay lumalaki at nagkakaisip. Nakikita niya ang maraming mga pagkakataon na kailangan niyang maging matatag laban sa tukso ng gumawa ng masama. Dahil dito madalas siyang sumasangguni sa maraming mga mahahalagang aklat na magtuturo sa kanya ng mga batayan sa pamimili ng tama at mabuti. Anong pamamaraan sa paglinang ng konsensya ang inilalapat ni John Lloyd.

- a. Sanayin ang sarili na pinakikinggan at sinusunod ang konsensya
- b. Ipagpaliban muna ang pasya o kilos kung may pag-aalinlangan at agamagam.
- c. Isabuhay ang mga moral na alituntunin. Nalilintang ang konsensya sa pamamagitan ng pagsasabuhay ayon sa tamang alituntunin
- d. Pag-aralan ang mga moral na alituntunin upang maging sensitibo ang konsensya sa pagkilala sa mabuti at masama.

2. Ano ang maitutulong ng pag-iwas ng tao sa paggamit ng maling konsensya?

- a. Maiiwasan ang landas na walang katiyakan
- b. Masusugpo ang paglaganap ng kasamaan
- c. Makakamit ng tao ang kabanalan
- d. Wala sa nabanggit

3. Hindi pare-pareho ang dikta ng konsensya ng bawat tao. Ang pahayag ay:

- a. Tama, dahil nakabatay ito sa edad at kakayahan ng isip ng tao
- b. Mali, dahil iisa lamang ang pamantayan na nararapat na sinusunod ng lahat ng tao.
- c. Mali, dahil pare-pareho tayong tao na nakaaalam ng tama at mali, mabuti o masama
- d. Tama, dahil nagkakaiba-iba ang karanasan, kinalakihan, kultura at kapaligiran ng tao.

4. Sobra ang sukli na natanggap ni Melody nang bumili siya ng pagkain sa isang restawran. Alam niyang kulang na ang kanyang pamasaha pauwi sa kanilang bahay ngunit isinauli pa rin niya ang sobrang pera. Anong uri ng konsensya ang ginamit ni Melody?

- a. Tamang konsensya
- b. Purong konsensya
- c. Maling konsensya
- d. Mabuting konsensya

5. Ang likas na batas moral ay hindi imbensyon ng tao, ito ay natutuklasan lamang. Ito ay pangkalahatang katotohanan na may makatwirang pundasyon. Anong katangian ng likas na batas moral ang tinutukoy sa pangungusap?

- a. Obhektibo
- b. Unibersal
- c. walang hanggan
- d. di nagbabago

6. Maaring maging manhid ang konsensya ng tao. Ang pahayag ay:

- a. Mali, dahil hindi ito ang kalikasan ng tao.
- b. Mali, dahil kusang gumagana ang konsensya ng tao sa pagkakataon na ito ay kailangan
- c. Tama, dahil maihahalintulad ito sa damdamin ng tao na maaaring maging manhid dahil sa patuloy na pagsasanay
- d. Tama, dahil kung patuloy na babalewalain ng tao ang dikta ng konsensya magiging manhid na ito sa pagkilala ng tama.

7. Ano ang bunga ng pagsunod sa tamang konsensya?

- a. Mapalalaganap ang kabutihan
- b. Makakamit ng tao ang tagumpay
- c. Maabot ng tao ang kanyang kaganapan
- d. Mabubuhay ang tao nang walang hanggan

8. Ang likas na batas moral ay nakapangyayari sa lahat ng lahi, kultura sa lahat ng lugar at sa lahat ng pagkakataon. Ito ay nangangahulugan na ang likas na batas na moral ay:

- a. Obhektibo
- b. Unibersal
- c. walang hanggan
- d. di nagbabago

9. Ang mga sumusunod ay katangian ng konsensya maliban

	<p>sa:</p> <p>a. Sa pamamagitan ng konsensya, nakikilala ng tao na may mga bagay siyang ginawa o hindi ginawa. b. Sa pamamagitan ng konsensya, nakikilala ng tao ang tamang bagay na dapat gawin at masamang dapat iwasan. c. Sa pamamagitan ng konsensya, nahuhusgahan kung ang bagay na ginawa ay nagawa nang maayos at tama o nagawa nang di-maayos o mali. d. Sa pamamagitan ng konsensya, nahuhusgahan ng tao kung may bagay na dapat siyang ginawa subalit hindi niya ginawa o hindi niya dapat isagawa subalit ginawa.</p> <p>10. Ang pagbebenta ng pirated na CD sa mga mall ay malaki ang naitutulong sa mga tao dahil mas nakatitipid kaysa bumili ng orihinal na kopya. Halos lahat ng tao ay ito na ang hinahanap sa kasalukuyan kung kaya lumalaki na ang negosyo na ito at marami ang natutulungan. Ang sitwasyon na ito ay nagpapatunay na:</p> <p>a. May mga pagkakataon na ang paghuhusga ay nararapat na ibatay sa benepisyo o tulong sa taong nagsasagawa ng kilos. b. Ang masamang pamamaraan sa pagkamit ng layunin ay mababalewala kung ang layunin ay mabuti at tama. c. Ang isang bagay na mali ay maaring maging tama kung ito ay nakatutulong sa mas nakararami. d. May mga kilos na nagmumukhang tama at normal dahil sa dami ng gumagawa nito.</p> <p>SAGOT:</p> <p>1. d 2. a 3. d 4. a 5. a 6. d 7. c 8. b 9. b 10. d</p>	
<p>TAKDANG ARALIN</p>	<p>PANUTO: Sumulat ng pagninilay tungkol sa natuklasan mong kaugnayan konsensiya na Batas Gawin ito sa dyornal.</p> <div data-bbox="609 1663 1032 1919" data-label="Image"> </div> <p>ng sa Likas Moral. iyong</p>	<p>Emaze: Photo Journal</p>

